

NOVEL JENDELA MENGHADAP JALAN

Tema

Tema novel ini ialah kehidupan masyarakat yang menghadapi pelbagai masalah diselesaikan dengan cara muafakat. Antaranya, datuk Lili menjadi sumber rujukan masyarakat setempat dan orang luar berkaitan dengan perubatan tradisional. Masalah keganasan rumah tangga yang dihadapi oleh Che Jah diselesaikan oleh Lili dengan bantuan Kak Mimah, datuknya, Danel, Geetha, dan lain-lain. Masalah kubah dan hak milik tanah penduduk juga diselesaikan secara muafakat.

Persoalan

1. **Persoalan herba dan kaedah perubatan tradisional mampu mengubati pelbagai penyakit**

Buktinya, Letchumi, William Ng, dan Puan Hamimah antara pesakit Haji Abdul Rahman, iaitu datuk Lili yang merupakan pengamal perubatan tradisional.

2. **Persoalan penjagaan kesihatan melalui amalan pemakanan yang sihat**

Lili diasuh oleh ibu bapanya sejak kecil agar sentiasa menjaga kesihatan diri dengan mengamalkan pemakanan yang sihat, seperti tidak minum minuman berkarbonat dan tidak makan makanan segera.

3. **Persoalan patuh akan ajaran agama**

Lili dan neneknya sering sembahyang berjemaah di rumah dengan datuknya sebagai imam. Datuk Lili berzikir panjang setiap kali selesai bersolat.

4. **Persoalan kepercayaan karut dalam kalangan masyarakat**

Haji Salihin, iaitu antara perintis Kampung Sentosa berpegang pada kepercayaan bahawa kampung itu hanya boleh menerima pembangunan selepas 100 tahun pembukaannya. Selain itu, sesetengah penduduk kampung mengatakan bahawa mereka melihat hantu penduduk yang telah meninggal dunia marah kerana pembangunan telah dilakukan sebelum sampai masanya.

5. **Persoalan masalah sosial dalam kalangan remaja**

Anak-anak Che Jah, iaitu Rafiq dan Haziq terlibat dengan penagihan dadah.

6. **Persoalan pertanian komersial memberikan pendapatan yang lumayan**

Amran Christopher yang mengusahakan tanaman pisang di ladangnya yang terletak di Kampung Pulau Warisan Batu-batu, mampu memperoleh pendapatan sebanyak RM2000.00 sebulan hasil daripada jualan tanamannya itu.

7. **Persoalan pantang larang dalam perubatan tradisional**

Menurut datuk Lili, pesakit gout perlu mematuhi pantang larang, iaitu tidak banyak bergerak dan mengurangkan makan daging untuk beberapa hari sehingga penyakitnya sembuh.

8. **Persoalan keganasan rumah tangga**

Che Jah dan anak-anaknya sering dimarahi dan dipukul oleh suaminya, Seman yang panas baran, kaki judi dan pemabuk.

Teknik plot

Dialog	Lili dan datuknya berbual-bual tentang pemasangan kubah di atas bumbung surau.
Teknik imbas kembali	a. Danel memberitahu Lili bahawa ayahnya pernah mengusahakan ladang pisang sebelum kebun tersebut dijadikan tapak rumah abangnya. b. Hamimah memberitahu datuk, nenek, dan Lili bahawa dia mendapat penyakit gout disebabkan dia tidak menjaga pemakanannya semasa zaman muda. c. Datuk memberitahu Lili bahawa dia pernah membantu Seman dengan memberikan pekerjaan di kebunnya dan pernah memberikan pinjaman wang kepada Seman. d. Danel memberitahu Lili bahawa dia pernah bersekolah bersama-sama Haziq.
Teknik saspens	a. Pembaca tertanya-tanya tentang nasib Lili setelah disembunyikan oleh Rafiq di dalam pondok. b. Pembaca tertanya-tanya tentang kehilangan datuk Lili pada suatu malam tanpa sebarang berita.
Teknik kejutan	Penduduk Kampung Sentosa terkejut apabila kubah surau yang hendak diletakkan di atas bumbung surau di kampung itu hilang.
Teknik imbas muka	a. Lili membayangkan kebaikan dan keburukan sekiranya dia ke bandar bersama-sama Danel. Dia juga memikirkan pandangan Danel jika begitu mudah dia menerima pelawaan ke bandar. b. Lili membayangkan bahawa Rafiq dan Haziq akan berubah suatu masa nanti jika mereka diberikan peluang.

Watak dan Perwatakan

Lili (Watak utama)	a. Lili berumur 17 tahun, cantik, pendiam, dan anak tunggal. b. Dia murid yang bijak dalam pelajaran. Buktinya, dia sering mendapat keputusan yang cemerlang dalam peperiksaan, terutama dalam subjek Sejarah. c. Dia fasih bertutur dalam beberapa bahasa asing. Buktinya, dia pandai berbahasa Cina kerana belajar di sekolah aliran Cina. Dia juga menguasai bahasa Thailand, Jepun, dan Latin. d. Dia anak yang patuh akan kata-kata ibu bapa. Buktinya, dia pulang ke kampung datuk dan neneknya ketika cuti sekolah atas suruhan ibunya kerana dia sudah biasa menuruti apa-apa kemahuan ibunya itu sejak kecil. e. Dia amanah. Buktinya, dia segera menghulurkan wang yang dikirim oleh ibunya kepada neneknya setelah berjumpa dengan neneknya itu, f. Lili amat mementingkan penjagaan kesihatan. Buktinya, dia jarang minum kopi dan tidak makan makanan segera. g. Lili juga prihatin. Buktinya, dia prihatin akan masalah keganasan rumah tangga yang dialami oleh Che Jah dan anak-anaknya, iaitu Rafiq dan Haziq angkara perbuatan Seman. h. Selain itu, dia pemaaf. Buktinya, dia memaafkan kesalahan Rafiq yang menyembunyikannya di sebuah pondok kerana sedar bahawa Rafiq terdesak pada masa itu.
--------------------	---

Haji Abdul Rahman	<ol style="list-style-type: none">a. Beliau ialah datuk Lili dan suami Hajah Aisyah Tan Abdullah.b. Beliau berasal dari Kalimantan, Indonesia dan berusia lebih daripada 70 tahun.c. Sewaktu mudanya, beliau membuat pelbagai pekerjaan seperti pelaut dan pekebun.d. Beliau pengamal perubatan tradisional dan menguasai banyak ilmu tentang tumbuh-tumbuhan herba.e. Beliau taat beribadat. Buktinya, beliau mengimamkan solat di rumahnya bersama-sama isteri dan cucunya. Kemudiannya, beliau berzikir.f. Haji Abdul Rahman baik hati. Buktinya, beliau memberikan wang kepada Seman dan tidak pernah menuntut wang itu semula.g. Beliau juga bijak dan tidak bertindak terburu-buru dalam membuat tindakan. Buktinya, beliau pergi ke pejabat daerah untuk menceritakan perkara sebenar apabila dituduh oleh orang kampung ingin menjual tanah mereka. Selain itu, beliau membawa Rafiq dan Haziq ke rumahnya untuk melindungi mereka daripada dipukul oleh orang kampung yang menyangka merekalah pencuri kubah surau.
Danel William	<ol style="list-style-type: none">a. Dia anak bongsu William Ng dan adik Sugi.b. Dia beragama Islam setelah keluarganya memeluk agama tersebut.c. Danel digambarkan oleh Geetha sebagai seorang yang <i>cute</i>, <i>cool</i>, dan kemas.d. Danel sedang belajar untuk menjadi penulis rencana. Dia ingin mempunyai kolum sendiri dalam surat khabar arus perdana. Dia telah menulis belasan artikel dalam sebuah buku yang berjudul <i>Segalanya tentang Pisang</i>.e. Danel pandai memasak. Buktinya, dia memasak gulai kari pisang ikan masin untuk dirasai oleh Lili.f. Dia suka berterus terang. Buktinya, dia berterus terang kepada datuk Lili untuk menghentikan rawatan tradisional yang diterima oleh ayahnya daripada datuk Lili atas alasan tidak banyak nutrien yang dapat diserap oleh tubuh ayahnya melalui kaedah perubatan tradisional.g. Danel juga bijak membuat strategi. Buktinya, dia membuat perancangan untuk menyelamatkan Lili yang disembunyikan di sebuah pondok pada waktu malan supaya tindakannya itu tidak diketahui orang.h. Selain itu, dia suka membantu orang lain. Buktinya, dia membantu Lili menyelesaikan masalah Che Jah dan masalah kubah dilarikan orang.
Geetha	<ol style="list-style-type: none">a. Geetha ialah anak Puan Letchumi. Dia berusia 19 tahun dan berbadan kecil.b. Dia berpendidikan tinggi. Buktinya, dia mahasiswi Universiti Malaya dan sedang mengikuti bidang kejuruteraan awam.c. Dia meminati aktiviti lasak. Buktinya, dia menyertai Kelab Pendaki Gunung Siswa-Siswi Malrikulasi Universiti Malaya dan telah menyertai aktiviti memanjat gunung, masuk hutan, dan masuk gua.d. Selain itu, dia rajin. Buktinya, dia membantu nenek Lili memasak untuk makan malam.e. Dia juga suka membantu orang lain. Buktinya, dia membantu Lili menerangkan konsep "kasih sayang universal" kepada nenek Lili berserta hujah-hujahnya agar nenek Lili bersetuju untuk membantu Che Jah yang menghadapi masalah keganasan rumah tangga.

Latar

Latar tempat

1. Di rumah keluarga Lili di Kuala Lumpur
Ibu Lili mengejutkannya daripada tidur untuk mandi dan bersiap-siap kerana Lili akan pulang ke kampung.
2. Di Kampung Sentosa, Dungun, Terengganu
Tempat tinggal datuk dan nenek Lili.
3. Di kedai runcit Letchumi
Lili bertemu dengan Geetha buat kali kedua.
4. Di kedai runcit Ah Kwan
Lili dan Geetha membeli barang-barang yang dipesan oleh nenek Lili.
5. Daerah Tenom di pedalaman negeri Sabah
Petani-petani mengusahakan tanaman untuk kegunaan setempat dan eksport.
6. Di restoran makanan segera di bandar
Danel makan dua biji burger dan kentang goreng serta minum segelas besar minuman berkarbonat.
7. Borneo Honeybee Centre
Lebih daripada 300 orang usahawan mengusahakan pusat penternakan lebah madu besar-besaran.

Latar masa

Pada waktu pagi	a. Lili dikejutkan oleh ibunya pada waktu pagi untuk bersiap-siap pulang ke kampung. b. Danel dan ayahnya, William Ng memberitahu datuk Lili bahawa mereka ingin memberhentikan rawatan tradisional untuk beralih kepada rawatan moden. c. Lili membantu neneknya menyidai pakaian di halaman rumah sambil bertanya tentang Che Jah.
Pada waktu petang	Lili dan Geetha memanjat bukit untuk melihat keindahan matahari terbenam.
Pada waktu malam	Abang Rashid membawa Lili berjalan-jalan di pasar malam. Danel menyelamatkan Lili yang disembunyikan di dalam sebuah pondok.

Latar masyarakat

1. **Masyarakat yang terdiri daripada pelbagai kaum yang hidup harmoni**
Buktinya, penduduk di kawasan tempat tinggal Geetha hidup harmoni meskipun berbeza kaum.
2. **Masyarakat kampung yang bekerja sebagai pekebun dan nelayan**
Buktinya, datuk Lili mempunyai kebun sendiri manakala Pak Sahak bekerja sebagai nelayan.
3. **Masyarakat yang masih mengamalkan perubatan tradisional**
Buktinya, datuk Lili pengamal perubatan tradisional.
4. **Masyarakat kampung yang sukar untuk bermuafakat**
Buktinya, penduduk Kampung Sentosa tidak sepakat dalam membuat keputusan sama ada mahu membina masjid yang baharu atau mengubah suai surau yang sedia ada.

5. **Golongan remaja yang terjebak dalam masalah sosial**

Haziq terlibat dengan kes penagihan dadah, ponteng sekolah, dan pernah ditangkap oleh polis.

6. **Golongan perantau yang membuka penempatan baharu untuk memulakan kehidupan**

Buktinya, datuk Lili merupakan pelaut dari Kalimantan manakala nenek Lili berasal dari China.

7. **Masyarakat yang bantu-membantu**

Buktinya, Haji Abdul Rahman, Hamimah, Nadia, Lili, Danel, dan Geetha membantu Che Jah menyelesaikan masalah keganasan rumah tangga.

Nilai

1. **Nilai kejujuran** - Lili menyerahkan wang daripada ibunya kepada neneknya.
2. **Nilai kasih sayang** - Ibu Lili amat menyayangi anaknya.
3. **Nilai kerajinan** - Amran Christopher rajin dan gigih mengusahakan ladang pisang sehingga memperoleh pulangan lumayan.
4. **Nilai baik hati** - Lili prihatin akan masalah Che Jah dan anak-anaknya serta berusaha untuk membantu mereka.
5. **Nilai rasional** - Kak Mimah menasihati Lili agar menjaga kesihatan sejak usia muda supaya tidak ditimpa penyakit.
6. **Nilai kesyukuran** - Lili bersyukur kerana Haziq insaf akan kesilapan yang telah dilakukannya dan meneruskan pelajarannya secara persendirian.

Pengajaran

1. Kita hendaklah taat akan perintah Tuhan.

Datuk Lili sering ke surau untuk sembahyang berjemaah dengan penduduk kampung.

2. Kita hendaklah membantu orang lain yang dalam kesusahan.

Datuk Lili, Kak Mimah, dan Nadiah membantu Che Jah membawa kes keganasan rumah tangga yang dihadapinya ke muka pengadilan.

3. Kita hendaklah memaafkan kesalahan orang lain.

Lili memaafkan Rafiq dan Haziq yang mengurungnya di dalam sebuah pondok.

4. Kita hendaklah menjaga maruah diri.

Lili menjaga pergaulannya semasa keluar bersama-sama Danel ke bandar.

5. Kita hendaklah mengamalkan pemakanan yang baik.

Lili sentiasa menjaga pemakanan dengan memakan makanan yang tidak berpengawet dan tidak minum minuman berkarbonat.

ANDREWCHOO.EDU.MY